

Gregorio Ordoñez  hilketa

Ordoñez tiroz hil dute Donostian

Ezezagun batek tiro bakarra eman zion buruan La Ceba jatetxean bazkaltzen ari zela

Gregorio Ordoñez EAeko PPko bozeramaile, parlamentari eta Donostiako alkatetzarako hautagaia tiroz hil zuten atzo hiriburu honetan. La Ceba jatetxean beste hiru pertsonarekin batera bazkaltzen ari zela, burua estalita zerraman ezezagun batek tiro bakarra eman zion buruan.

JON ESKISABEL / DONOSTIA

Gregorio Ordoñez zerraldo geratu zen bertan, atentugileak ihesari ematen zion bitartean. Ordoñez PPko buruzagi ezagunenetarikoa bat zen, ETaren aurka erakusten zuen jarrera gogorrenetarikoa batez ere. Joan den astean, Donostiako alkatetzarako PPko hautagai izendatu zuten, Jose Maria Aznar alderdiko presidentea izan zen ekitaldian.

Atentatua arratsaldeko 15.25etan gertatu zen, Donostiako Parte Zaharreko Abuztuaren 31 kalean kokaturik dagoen La Ceba jatetxean. Ordoñezek sarritan bazkaltzen zuen lokal honetan, udaletxeko lana amaitu eta gero —Donostiako alkateordea eta PPko zinegotzia zen Ordoñez—. Atzo ere, bertan ari bazkaltzen bere idazkariarekin, Maria S.G., Enrique Villar 'Kote' PPko udal taldeko idazkariarekin eta emakume batekin. Lau lagunak jatetxearen amaiera aldean dauden hiru mahaietako batean eserita zeuden. Mahai hauek bionbo batez estalita egoten dira.

Une horretan, kazadora gorria jantzita eta burua estalita zerraman pertsona bat hurreratu zitzaion Ordoñezi eta tiro bakar bat jo zion buruan, Ertzaintzak azaldu zuenez. Bala buruaren atzealdetik sartu zitzaion eta aurrealdetik atera. PPko buruzagia zerraldo geratu zen bertan, atentugileak ihesari ematen zion bitartean. Jatetxean sartzen ziren zenbait pertsonarekin behaztopa egin ondoren, Santa Mariako basilikarantz aldegin zuen korrika euripean.

Atentatua gertatu baino minutu batzuk lehenago Ordoñezekin hitz egin zuen pertsona batek egunkari honi adierazi zionenez, PPko buruzagia umore onez zegoen, eta ezin zuen inolaz ere gertatuko zena sumatu. «Zezenez hitz egin dugu eta barre batzuk egin ditugu, beti bezala». Ordoñez La Cepako ohiko bezeroa zela eta eskoltarik ez zuela eramaten baieztatu zuen lekuko honek.

Jatetxeko langileek Ertzaintzari deitu zioten eta berehala



Ordoñezen gorpua arratsaldeko bostak aldera atera zuten 'La Ceba' jatetxetik Polloera eramateko.

ANDER GILLENDA



Gurutze Gorriaren furgoneta bat atentatuaren lekuan zegoen, baina ordurako hilik zegoen Ordoñez. Ertzaintzak dispositiboa zabaltu zuen hiriko irteeretan, atentugilearen balizko ihesaldia eragotztearren. Gorpua oraindik jatetxean zegoela, alderdi politikoetako ordezkariak, agintariak eta udaletxeko zinegotziak agertzen hasi ziren, besteak beste, PPko Jose Eugenio Azpiroz diputatua eta Elena Azpiroz zinegotzia, Odon Elorza alkatea, Juan Maria Jauregi Gipuzkoako gobernadore zibila, EAko Rafa Larreina eta Jose

Julian Irizar, EAJko Romas Sudupe, Antton Market eta Iñaki Txueka, eta Mikel Gotzon Santamaria Udaltzaingoko burua.

Arratsaldeko 17.15etan, mediku forentsea eta 4. Instrukzio Epaitegiko epailea iritsi ziren. Gorpua altxatzeko agindu ondoren, Polloeko kanposantura eramane zuten autopsia egin ziezaioten. Segidan, udaletxeko ordezkariak udaletxeraino abiatu ziren. Elorza alkateak bozeramaileen juntaren bilera deitu zuen arratsaldeko seieterako eta ezohiko plenoa zortzi t'erdietarako.

Bozeramaileen juntak hiru eguneko luto ofiziala izendatzea erabaki zuen. Halaber, komunikatu bat kaleratuko dute, Gregorio Ordoñez «konbikzio demokratiko tinkoak» izateagatik hil dutela esanez, Iñaki Gurrutxaga EUEko zinegotziak azaldu zuenez.

HIL KAPERA UDALETXEAN Hil kapera gaueko bederatziatan jarri zuten udaletxeko pleno aretoan, Ordoñezen senide eta lagunentzat. Gaur berriz herritar guztiei irekita egongo da. Hileta elizkizunak gaur arratsaldeko 19.30etan egingo dira Amara Berri auzoko elizan. Udalak konzentrazio bat deitu du Alderdi Eder lorategietan, bertatik elizaraino manifestaldian joateko. Ehorzketa eguerdian edo arratsaldeko lehen orduetan egingo da Polloen. Ordoñezen gurasoek Donostiara etortzeko prestaketak egin zituzten, atentatuaren berri jakin bezain pronto. Ordoñezen gurasoak Valentzian bizi dira.

Juan Maria Jauregi Gipuzkoako gobernadore zibila adierazi zuenez, ez dirudi Ordoñezek ETaren mehatxua jaso zuela, ez baitzeraman eskoltarik. ETaren atentatuak «edozein unetan» gerta daitezkeela esan zuen Jauregik, «gaur Ordoñez hil dute,

baina herenegun polizia bat hil zuten, eta aurrekoan udaltzaia bat. ETak ahal duenean eta ahal duena hiltzen du. Beraz adi segitu behar dugu». Jauregiren iritziz, atentatu honek ez du aldaketarik ekartzen ETaren estrategian, «gauza hauek gure logikatik ikusi nahi izatea erokeria da beraiek beren logikarekin funtzionatzen dutelako».

PLENOA GASTEIZKO LEGBILTZARREAN Gasteizko Legebiltzarrean, berriz, beste

talde, ezohizko bilkura egingo da gaur. Eguerdian talde parlamentarioen bozeramaileak bilduko dira gero Joseba Leizaola presidentea irakurriko duen deklarazio instituzionala hitzartzeko. Osoko bilkura arratsaldeko 18.00etan izango da.

Ordoñezen aulkia hutsik egongo da, eta Legebiltzarreko ikurra jarriko dute begizta batekin. Leizaolak Israelen herenegun gertatukoarekin paratu katu zuen egoera. «Atentatuaren zalantza jartzen du egonkortasun politikoa, beste sektoreko batzuek neurri berarekin erantzun dezaketelako», azpimarratu zuen. Ordoñezen senideekiko dalumina agertu zuen Legebiltzarreko presidentea eta deialdi egin zuen gauzak hurrunago joan ez daitezkeen.